

Na osnovu člana 33. Statuta Asocijacije za umjetničku fotografiju BiH (u daljem tekstu AUF BiH), Skupština AUF BiH na sjednici održanoj dana 06.09.2014.g. u Travniku godine, donosi

POSLOVNIK O RADU UPRAVNOG ODBORA

Član 1.

Poslovnik o radu upravnih organa AUF BiH (u daljem tekstu: Poslovnik) reguliše način rada Upravnog odbora AUF BiH.

Član 2.

Upravni odbor čine predsjednik, FIAP lising officer - podpredsjednik, te koordinatori: za kolekcije BiH, zvanja, organizaciju FotoBiH, rad sa mladima, informatiku i press i menadžer projekata. Članovi Upravnog odbora biraju se prema izraženoj želji za obavljanjem određenih funkcija. Upravni odbor broji od 3 do 7 članova odnosno onoliko članova koliko se opredijeli za obavljanje funkcija prema stavu 2. ovog člana.

Član 3.

Upravni odbor ima nadležnosti prema odredbama Statuta AUF BiH.

Član 4.

Poslove iz svoje nadležnosti Upravni odbor vrši na sjednicama, koje se mogu održavati kao sastanci i kao e-mail koordinacija.

Sjednica Upravnog odbora može se održati ukoliko u istoj participira najmanje 3 člana.

Član 5.

Sjednicama Upravnog odbora predsjedava predsjednik, a u slučaju njegove odsutnosti podpredsjednik.

Sjednice putem e-mail koordinacije vrše se na sljedeći način:

- predsjednik je dužan poslati e-mail svim članovima Upravnog odbora te tražiti mišljenja o ponuđenim prijedlozima
- nakon dobivenih povratnih informacija dužan je sačiniti konačan tekst te ga poslati na ponovno razmatranje
- ukoliko na prijedloge nema daljih primjedbi konačan tekst se objavljuje na web stranici u posebnoj rubrici predviđenoj za Odluke upravnih organa AUF BiH

Ukoliko se radi o materijalima za koje su potrebni potpisi svih članova Upravnog odbora materijali se šalju poštom po vezanom sistemu, te se nakon pribavljanja svih potpisa vraćaju predsjedniku AUF BiH.

Član 6.

Ukoliko po nekim pitanjima ne postoji saglasnost svih članova Upravnog odbora odluka se donosi većinom glasova.

Član 7.

Članovi Upravnog odbora imaju pravo i obavezu da:

- predlažu održavanje sjednice Upravnog odbora i predlažu tačke za razmatranje

- učestvuju u raspravama i donošenju odluka, zaključaka i drugih akata ,
- budu obaviješteni o pitanjima koja su od značaja za uspješno vršenje funkcije člana Upravnog odbora,
- raspravljaju u vezi sa pitanjima koja su na dnevnom redu
- članu Upravnog odbora pripadaju sva prava i obaveze prema Statutu AUF BiH.

Član 8.

U slučaju potrebe za razmatranjem pojedinih tačaka koje su u domenu Skupštine razmatranje pojedinih tačaka može se proširiti i na predstavnike klubova koje nemaju predstavnike u Upravnom odboru.

Član Upravnog odbora može po svim pitanjima za koje smatra da je potrebno konsultovati članove klubova.

Član 9.

Nakon završetka rasprave po tački dnevnog reda sačinjava se zapisnik o održanoj sjednici Upravnog odbora ili radnog tijela. Zapisnik potpisuje predsjednik.

Član 10.

Izmjene i dopune ovog Poslovnika vrše se na način i po postupku po kome je i donesen.

Član 11.

Ovaj Poslovnik stupa na snagu danom donošenja.

Predsjednik :

Božanović Ozren